



Bab : Jaiz / Najaiz Cheeze

Fasl : Others (Jaiz / Najaiz Cheeze)

Sawal No : 427

Upload Date : 30-03-2026

Topic : Shadiyon Mein Makeup Ka Hukm Aur Iski Hudood

Sawal : Aurat Ke Liye Bahar Shadi Aur Function Mein Jate Hue Makeup Karne Ki Ijazat Hai? Aur Kitni Had Hai? Shadi Mein Jab Sirf Ladies Section Mein Jana Ho Aur Waha Burqa Utarte Hain, To Waha Makeup Ki Ijazat Hai? Aur Aise Time Par Aate Jate Chamakte Purse Aur Chappal Pehente Hain, To Kya Hukm Hai?

Jawab : Ladies Section Mein Jahan Na Mehram-Mard Aur Gair-Muslim Aurat Ke Samne Be Pardah Hone Ka Ehtemal (Chance) Na Ho, Aise Mauqe Par Aurat Ka Zaib O Zeenat (Makeup) Ke Sath Shirkat Karna Jaiz Hai. Aur Jahan Ehtemal (Chance) Ho, Waha Mukammal Shari Pardah Lazim Hai.

■ Har Woh Harkat Jo Mardon Ko Attract Kare Na-Jaiz Hogi, Jaise Ke Itr (Perfume) Lagana, Chudiyan Pehenna Wagairah.

■ Hadees Mein Aisi Aurat Ko Badkaar Kaha Gaya Hai Jo Mehekne Wali Khushboo Laga Ke Bahar Nikle, Take Gair Mard Uski Taraf Mutawajjeh Ho. Yahi Hukm Chamakte Purse Aur Chappal Ka Hai.

■ Neez Jahan Zaib O Zeenat Ki Ijazat Hai, Usme Gulu (Had Se Zyadah) Karna Pasandeedah Nahi Hai. Misal Ke Taur

Par Ghanto Uske Liye Kharch Karna Ya Asbaab-E-Zeenat Mein Be-Dareg Maal Kharch Karna Wagairah. Bagair Gulu Kiyе Aam Andaz Se Zaib O Zeenat Kare, Iski Ijazat Hai. (Ma'ariful Quran Tafseer Surah Noor 31) Fakt - Allah Ta'ala Sabse Zyada Janne Wale Hai.

Ye Jawab Darul Ifta Wal Irshad, Shahpore, Surat Ki Official Website
www.suratifta.com Se Download Kiya Huwa Hai.



© Copyright 2023 DARUL IFTA WAL IRSHAD

Development By : IBNE ASIF GRAPHICS & DIGITAL PARTNER